



# SLUŽBENI GLASNIK

## OPĆINE KALESIJA

Godina: XXVIII

Četvrtak, 28.07.2005. godine  
KALESIJA

Broj: 8

### OPĆINSKO VIJEĆE

#### 63

Na osnovu člana IV.4.d.) Ustava Federacije Bosne i Hercegovine, ("Sl.novine Federacije Bosne i Hercegovine", broj 1/94), člana 77. tačka e) Ustava Tuzlanskog kantona ("Sl.novine TK" broj 7/97), člana 29. tačka 2. Zakona o lokalnoj samoupravi ("Sl.novine TK" broj 6/98), člana 41. tačka 2. Statuta općine Kalesija ("Sl.glasnik općine Kalesija" broj 7/03), člana 2. Odluke općinskog vijeća o obrazovanju Komisije za obilježavanje datuma i događaja, značajnih za općinu Kalesija, davanje imena naselja i dijelova naselja ("Sl.glasnik općine Kalesija" broj 5/01) Općinsko vijeće Kalesija na sjednici od 21.07.2005.godine, d o n o s i :

#### ODLUKU

o izmjenama i dopunama Odluke o utvrđivanju datuma i događaja značajnih za obilježavanje na području općine Kalesija

##### Član 1.

U odluci o utvrđivanju datuma i događaja značajnih za obilježavanje na području općine Kalesija, u članu 5. iza tačke 6. dodaje se tekst: "7. 22.avgust – Bitka na Karovinama", tačka 7. Odluke postaje tačka 8.

##### Član 2.

Odluka stupna na snagu danom objavljivanja u "Službenom glasniku općine Kalesija".

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-2-2406  
Datum, 22.07.2005. godine

PREDSJEDAVAJUĆI  
OPĆINSKOG VIJEĆA

Hata Mujčinović, dipl. ing. tehn.s.r.

#### 64

Na osnovu člana 2.Odluke o određivanju lokacija-tržnica na malo (pijaca) i stočnih pijaca ("Sl. glasnik Općine Kalesija" broj 2/01 i 6/03 ) i člana 41. Statuta Općine Kalesija ("Sl. glasnik Općine Kalesija" broj 07/03 ), Općinsko vijeće Općine Kalesija na svojoj sjednici održanoj dana 21.07.2005.godine, d o n o s i :

#### ODLUKU

o uslovima i načinu davanja u zakup lokacije-zemljišta za pijacu u Kalesiji Gornjoj

##### Član 1.

Ovom odlukom se utvrđuju uslovi i način dodjele lokacije za pijacu u Kalesiji Gornjoj, period trajanja zakupa zemljišta-lokacije, zakupnina, nadležnost za potpisivanje ugovora o zakupu i način dodjele lokacije.

**Član 2.**

Lokacija za pijacu (na veliko i malo, stočnu i auto pijacu) može se dodjeliti u zakup fizičkim i pravnim licima.

**Član 3.**

Period trajanja zakupa na zemljištu ne može biti duži od 9 (devet) godina.

**Član 4.**

Zemljište se dodjeljuje u zakup putem usmenog javnog nadmetanja, a proceduru provodi Komisija za dodjelu građevinskog zemljišta Općine Kalesija.

**Član 5.**

Početna cijena na usmenom javnom nadmetanju iznosi 1 KM/ m2 godišnje.

**Član 6.**

Nakon provedene procedure javnog oglasa, Općinski Načelnik potpisuje ugovor o zakupu zemljišta sa licem kojem se dodjeli lokacija za pijacu u kojem moraju biti precizirani uslovi zakupa i korištenja zemljišta, a koji nisu regulisani ovom Odlukom.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-2-2407  
Datum, 22.07.2005. godine

PREDSJEDAVAJUĆI  
OPĆINSKOG VIJEĆA  
Hata Mujčinović, dipl. ing. tehn.s.r.

**65**

Na osnovu člana 41. Statuta općine Kalesija ("Sl. glasnik općine Kalesija", broj 7/03), člana 20. Poslovnika o radu Općinskog vijeća («Sl. glasnik općine Kalesija», broj 2/04), Općinsko vijeće Kalesija na prijedlog Komisije za izbor i imenovanje, na sjednici od 21.07.2005. godine, d o n o s i

**O D L U K U**

o razrješenju i izboru predsjednika radnog tijela Općinskog vijeća

**I**

Razrješava se dužnosti predsjednik Komisije za statutarna pitanja i propise Općinskog vijeća Jukanović Enver iz Vukovija Donjih, na lični zahtjev.

Na upražnjeno mjesto u Komisiju za statutarna pitanja i propise Općinskog vijeća imenuje se Džafić Nedžad iz Rainaca Donjih.

**II**

Ova Odluka stupa na snagu danom objavljivanja u «Službenom glasniku općine Kalesija».

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-2-2408  
Datum, 22.07.2005. godine

PREDSJEDAVAJUĆI  
OPĆINSKOG VIJEĆA  
Hata Mujčinović, dipl. ing. tehn.s.r.

**66**

Na osnovu člana 2 Zakona o poljoprivrednom zemljištu (Sl. novine FBiH broj 2/98); člana 2. i 10. stav 1. Zakona o prometu nepokretnosti u skladu sa Zakonom o uknjiženju nekretnina u društvenoj svojini (Sl. list SRBiH broj 28/77) i člana 41. Statuta općine Kalesija (Sl. glasnik Općine Kalesija broj 7/03), Općinsko vijeće Općine Kalesija na sjednici održanoj dana 21.07.2005. godine d o n o s i:

**R J E Š E N J E**

1. Brišu se upisi prava posjeda i korištenja sa dosadašnjeg posjednika i korisnika PD»SPREČA» DONJE VUKOVIJE-KALESIJA i uspostavlja se raniji vlasničko-pravni odnos u korist Općine Kalesija, kako slijedi zemljište upisano u PL 28/04 KO Jeginov Lug; upisano u PL 2575 KO Vukovije; upisano u PL 262/03 KO Vukovije; upisano u PL 1333/02 KO Kalesija; upisano u PL 52/04 KO Kalesija Grad; upisano u PL 224/06 KO Memići; upisano u PL 1673 KO Prnjavor i upisano u PL 200/09 KO Rainci Donji, sve po novom premjeru, a po starom premjeru

zemljište upisano u zk.ul.3078 i 745 KO Prnjavor; upisano u zk.ul.1570;1623;1648 i 712 KO Vukovije; upisano u zk.ul. 986,1261 i 1277 KO Lipovice i upisano u zk.ul. 807, 833 i 832 KO Bulatovci.

2. Po pravosnažnosti ovog Rješenja nalaže se Odsjeku za katastar da izvrši brisanje upisa po novom premjeru i ZK Uredu općinskog suda u Kalesiji da izvrši brisanje upisa prava korištenja po starom premjeru na nekretninama iz tačke 1. ovog Rješenja.

### **O b r a z l o ž e n j e**

U postupku pokrenutom u cilju zaštite imovine i imovinskih interesa općine Kalesija, a nakon provedenog postupka privatizacije PD»SPREČA»Donje Vukovije-Kalesija, Služba za urbanizam, geodetske, imovinsko-pravne poslove i infrastrukturu i Općinsko pravobranilaštvo, je provela postupak u cilju rješavanja imovinsko-pravnih odnosa na nekretninama iz tačke 1. ovog Rješenja. U provedenom postupku je utvrđeno da navedene nekretnine nisu privatizovane u koirist DD»SPREČA»DONJE VUKOVIJE-KALESIJA i da nema smetnji za uspostavljanje ranijeg vlasničko-pravnog odnosa. Na osnovu izloženog odlučeno je kao u dispozitivu ovog rješenja. Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Tuzli u roku od 30 dana od dana prijema ovog rješenja.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-2-2409  
Datum, 22.07.2005. godine

PREDSJEDAVAJUĆI  
OPĆINSKOG VIJEĆA  
Hata Mujčinović, dipl. ing. tehn.s.r.

## *S a d r Ź a j*

OPĆINSKO VIJEĆE	Strana
63. Odluka o izmjenama i dopunama Odluke o utvrđivanju datuma i događaja značajnih za obilježavanje na području općine Kalesija.....	105
64. Odluka o uslovima i načinu davanja u zakup lokacije-zemljišta za pijacu u Kalesiji Gornjoj.....	105
65. Odluka o razrješenju i izboru radnog tijela Općinskog vijeća.....	106
66. Rješenje –ukidanje prava posjeda i korištenje poljoprivrednog zemljišta PD“Spreča“.....	106